

आकाशवाणी

खबरां:-

- प्रधानमंत्री नरेन्द्र मोदी होरें आखेया ऐ जे GST च नमैं सुधारें दा फायदा आम नागरिकें तोड़ी पुज्जना लोड़चदा।
- भारतीय चुनां कमीशन बिहार च विशेष नजरसानी मगरा मतदाताएं दी खीरी सूचि अज्ज जारी करोग।
- 4 EFTA मुल्खें कन्नै कीते गेदे मुक्त बपार समझौता बुधवारें सवां अमल च आई जाग।
- कैनेडा नै बिशनोई गेंग गी इक आतंकवादी गिरोह घोषित करी दिता ऐ, हूँन गिरोह दी सम्पत्ति गी जप्त कीता जाई सकदा।
- अमरीका नै राष्ट्रपति डोनाल्ड ट्रम्प ते ईजरायल दे प्रधानमंत्री Benjamin Netanyahu हुंदे बशकार इक बैठक मगरा 2 बरे थमां गाजा च चला रदी जंग गी समाप्त करने लेई इक शांति योजना गी जारी कीता ऐ।
- क्रिकेट च महिलायें दे इक दिने आले अंतराष्ट्रीय मैचें सरबन्धी ICC विश्व कप 2025 दा पैहला मैच गुवहाटी च मेजबान भारत ते श्रीलंका बशकार खेडेया जाग।

<><><><><><>

PM-GST

प्रधानमंत्री नरेन्द्र मोदी होरें आखेया ऐ जे NDA सरकार नै मुल्खै च खरे शासन दा इक होर उदाहरण पेश कीता ऐ। उनें भारतीय जनता पार्टी दे कार्यकर्ताएं गी ए यकीनी बनाने लेई आखेया जे चीजें-बस्तें ते सेवा कर यानि GST सुधारें दे फायदे हर इक नागरिक तोड़ी पुज्जे। राष्ट्रीय राजधानी दिल्ली च दीन-दयाल उपाध्याय मार्ग पर बी.जे.पी. दे नमैं दफ्तरें दा उदघाटन करदे होई प्रधानमंत्री होरें आखेया जे जिनें राज्यें च भारतीय जनता पार्टी विपक्ख च ऐ उत्थे ओ इस गल्ला गी यकीनी बना जे सरकार जी.एस.टी दी घट्ट दरें दा फायदा आम लोकें तोड़ी पुजा। उनें आखेया जे NDA सरकार नै सारें शा मती पैहल मुल्खै दी सुरक्षा गी दिती ऐ ते अपने नागरिकें च भ्रष्टाचार खिलाफ फैसलाकुन लड़ाई लड़ने दी भावना गी जगाया ऐ ते मुल्ख गी बड़्डे-बड़्डे घोटाले सवां मुक्त कीता ऐ।।

<><><><><><>

SIR Bihar List

भारतीय चुना आयोग बिहार च मतदाता सूची दी विशेष ते गहन नजरसानी मगरा इनेंगी अज्ज प्रकाशित करोग। विशेष नजरसानी मगरा बिहार दी खीरी मतदाता सूचि च उनें सारे गणना प्रपत्र भरने आहले मतदाताएं दे नां शामिल होगन। इसदे थवां पैहले आयोग नै पैहली अगस्त गी मसौदा सूचि जारी कीती ही। इसदे चा हटाए गेदे 65 लक्ख मतदाताएं दी सूचि बी जारी कीती गई। आयोग नै आखेया ऐ जे बिहार दे मगरा मतदाता सूचियें गी संशोधित करने आस्तै खास अभियान आयोजित कीता जाग। पिछली बारी गहन तौर पर नजरसानी लगभग 20 बरे पैहले होई ही।

<><><><><><>

Piyush -EFTA

बन्ज बपार ते उद्योगें सरबन्धी मैहकमे दे मंत्री पीयूष गोयल होरें आखेया ऐ जे यूरोपीय मुक्त बपार संगठन EFTA कन्ने मुक्त बपार समझौता इस बरे पैहली अक्टूबर थमां अमल च आई जाग। इनें मुख्यें च आईस्लैंड, नार्वे, स्वीजरलैंड ते Liechtenstein शामिल न। श्री गोयल होरें आखेया जे विकसित मुख्य भारत कन्ने मुक्त बपार समझौते करना चाहंदे न, भारत नै अगगे गै संयुक्त अरब अमीरात, आस्ट्रेलिया ते बरतानिया कन्ने अगगे गै मुक्त बपार समझौते पर दस्तखत करी लैते न। केन्द्रीय मंत्री होरें ए गल्ल ग्रेटर नोएडा च उत्तर -प्रदेश अंतराष्ट्रीय बपार सम्मेलन दे विदाई इजलास गी सम्बोधित करदे होई आखी। श्री गोयल होरें जानकारी दिती जे भारत अगगे गै अमरीका, यूरोपय संघ, न्यूजीलैंड, ओमान, पेरु ते चिली कन्ने बातचीत करा रदा ऐ, जदकि कतर ते बैहरीन नै इनें समझौते च रुचि दस्सी ऐ।

<><><><><><>

DM-Artificial Intelligence

रक्षा मंत्री राजनाथ सिंह होरें मुख्यें दी समुन्द्री सुरक्षा च मसनूई ज्ञाने आर्टिफिशल इंटेलिजेंस, ड्रोन ते स्वचालित प्रतिक्रिया आले सरिस्ते गी शामिल करने पर जोर पाया। नमीं दिल्ली च भारतीय तट रक्षकें दे कमांडरें दे 42में सम्मेलन गी सम्बोधित करदे होई रक्षामंत्री होरें आखेया जे ICG गी लगातार अपनी सिखलाई ते उपकरणें गी अपग्रेड करदे रौहना लोडचदा तां जे ओ साईबर दे खतरे कन्ने निबड़ी सकन।

<><><><><><>

Jal Shakti Min- Ganga

जल शक्ति मंत्री सी.आर. पाटिल होरें आखेया ऐ जे गंगा दा संरक्षण पर्यावरण दे स्हाबै गै नैई सगुआ भारत दी संस्कृति, विरासत, आस्था ते लक्खां बद्दे लोकें दे जीवन कन्ने जुड़े दा

ऐ। पाटिल होरें नमीं दिल्ली च गंगा संरक्षण कार्यबल दी 16मीं बैठक दी अध्यक्षता कीती। पाटिल होरें आखेया जे पिच्छले बरे कार्यबल दे पुट्टे गेदे लगभग 80 फीसद मुद्दे दा सफलतापूर्वक हल कीता गया ऐ। उनें आखेया जे एह कम्म गंगा संरक्षण आस्तै इक मजबूत आधार तयार करा रदा ऐ। इसदे कन्नै बक्ख-बक्ख क्षेत्रें च कीते जा रदे जत्नें कन्नै गंगा ते ओदी सहायक नदियें आस्तै इक समग्र ढांचा तयार होआ रदा ऐ।

<><><><><><>

Canada-Bishnoi Gang

कनाडा सरकार नै बिश्नोई गिरोह गी आपराधिक सहिता तैहत आतंकवादी संगठन घोषित करी दिता ऐ। बिश्नोई गिरोह गी आतंकवादी सूची च शामिल करने दा मतलब ऐ इस संगठन दी सम्पत्ति गी जब्त करने ते ओदे सहयोगियें खिलाफ आपराधिक कारवाई करने दी कनाडा सरकार गी इजाजत होग। कनाडा दे जन सुरक्षा मंत्री गेरी आनंद सांगरी होरें आखेया जे बिश्नोई गिरोह आस्सेया खास समुदायें गी आतंकी हिंसा ते धमकी आस्तै निशाना बनाया गया ऐ। इक ब्यानै च कनाडा सरकार नै आखेया जे बिश्नोई गिरोह दी कनाडा च मौजूदगी ऐ ते ओह उनें क्षेत्रें च सक्रिय ऐ जित्थे प्रवासी समुदाय बड़ी मती गिनतरी च रौहन्दा ऐ।

<><><><><><>

Trump –Gaza Peace Plan

अमरीका नै राष्ट्रपति डोनाल्ड ट्रम्प ते ईजरायल दे प्रधानमंत्री Benjamin Netanyahu हुंदे बश्कार इक बैठक मगरा 2 बरे थमां गाजा च चला रदी जंग गी समाप्त करने लेई इक शांति योजना गी जारी कीता ऐ। इस शांति योजना च गाजा गी आतंकमुक्त क्षेत्र बनाया जाग जेड़ा अपने गोआंडी मुल्खें लेई खतरा नैई होग ते कन्नै गै गाजा दा पुर्ननिर्माण ते पुर्नविकास किता जाग तां जे उत्थू दे लोकें गी फायदा पजाया जाई सके जिनें बड़ा मता नुक्सान झल्लेया ऐ। इस शांति योजना च अगगे आक्खेया गेदा ऐ जेकर दवै पक्ख इस प्रस्ताव उप्पर सैहमती दिंदे न ते जंग तुरत गै समाप्त करी दिती जाग। इस दौरान सब्भे चाली दी फौजी कारवाइयें जेदे च जमीनी ते हवाई हमले शामिल न गी रोकी दिता जाग।

<><><><><><>

India –Bhutan MEA

विदेश सचिव विक्रम मिश्री होरें नमीं दिल्ली च भूटान दे विदेश सचिव Arun Pema हुंदे कन्नै गल्लबात कीती। विदेश मंत्रालय नै आखेया जे दौनें पक्खें आपसी सरबंधें गी सम्पूर्ण आयाम दी समीक्षी कीती ते सहयोग दे सारे प्रमुख क्षेत्रें च होई दी प्रगति पर गल्लबात कीती। इस दौरान भारत ते भूटान बश्कार रेलवे सम्पर्क स्थापित करने आस्तै इक अंतर सरकारी

समझौता जापन पर दस्तखत कीते गे। समझौता जापन च कोकराझार ते गेलेफू ते बनारहॉट ते समत्से गी जोड़ने आहले पैहले सीमा-पार रेल सम्पर्क कायम करने दी परिकल्पना कीती गई ऐ। इक हजार 20 गेगावाट दी पुनात्सांगछू-11 पनबिजली परियोजना दी सारी 6 इकाए दे सफलतापूर्वक शुरु होने दा सोआगत कीता।

<><><><><><>

India -Bhutan Rail

भारत ते भूटान 4 हजार 33 करोड़ दी लागत कन्नै दौनें मुल्खे बश्कार रेल सम्पर्क स्थापित करने गितै सैहमत होई गे न। इस रेल परियोजना च कोकराझार-गैलेफू ते बानरहॉट- सामत्से- शामिल होग। नमीं दिल्ली च इक संयुक्त पत्रकार सम्मेलन गी सम्बोधित करदे होई केन्द्रीय रेल मंत्री अश्वनी वैष्णव होरें आखेया जे इस रेल परियोजना कन्नै भूटान दे 2 मुख शैहरें गैलूपे दे सामत्से गी भारत दे 2 शैहरें असम च कोकराझार ते पच्छिम बंगाल च बानरहॉट कन्नै जोड़ेया जाग। श्री वैष्णव होरें जानकारी दिती जे नत्तर किलोमीटर लम्मे कोकराझार गलेफू रेल परियोजना पर तकरीबन 3 हजार 456 करोड़ रपे जदकि 20 किलोमीटर लम्मी बानरहॉट सामत्से रेल परियोजना दे निर्माण उप्पर 577 करोड़ रपे दी लागत औग। उनें आखेया जे इनें रेल परियोजनाएं च पूरा निवेश भारत आसेया कीता जाग।

<><><><><><>

Women's ODI World Cup

ICC महिला इक रोजा विश्व कप 2025 अज्ज मेजबान भारत ते श्रीलंका बश्कार गुवहाटी दे बरसापारा क्रिकेट स्टेडियम च शुरु होग। मैच अज्ज दपैहरी 3 बजे शुरु होग। भारतीय महिला क्रिकेट टीम अपने पैहले अंतराष्ट्रीय क्रिकेट खताब दे 47 बरे दे इंतजार गी खत्म करने दी कोशिश करोग।

<><><><><><>